

僊居縣志卷之十一

忠義列傳

魏徵有言願爲良臣不願爲忠臣臣以忠著亦大不幸矣哉雖然疾風知勁草平居慷慨而談人人皆忠及變起卒然旋化爲依阿非正氣嶄嶄爭日月光詎易語此昔人謂忠難之逢天每以嘗君子旨哉言之乎僊山水罕洌鞠鞞太平代產偉人而倉皇赴國難膏白及如飴者更炳炳勿得而氓焉噫其視世修降表之李氏歷事四朝之馮公何如也

宋

僊居縣志

卷之十一 忠義

王珪字叔寶咸淳間進士累官太學博士德祐丙

子權知州事元裔太后詔台州降珪涕泣曰天

子蒙塵臣節有在詔詎可奉耶與同邑侍郎陳

仁玉倡民堅壁守城陷赴泮水死焉元兵將取

珪首姪賓虞僞叔衣冠自殘以全其屍

趙時栗字寬甫叔寶同年進士授海鹽主簿募民

與元兵對壘者二旬食盡度不支遂策馬突入

敵營手刃數騎而死

高申甫字宣卿由武科除景陵令多惠政元兵至

率民力戰死之

張華宗字君實寶祐間以明經補國學除杭州教授轉揚州臨江謹身率士所至有聲開慶元年元兵壓境翼同官拒守久之臨江陷元兵火文廟大呼曰不降者我也當速殺洩而忿曷爲令先聖無依耶遂遇害事聞詔諡忠烈賜大夫秩

元

吳揚字仲修少負大志好騎射至正間郡監廉其才擢署黃巖州判會睦溪盜犯僊居遂陞州司馬以兵屬焉揚慨然曰吾當滅此而後朝食况難作父母邦耶輒部兵逆戰于羅漢潭挫其鋒

僊居縣志

卷之十一

忠義

二

賊窘甚有鄉民吳奉一者陰爲賊導賊凌晨潛掩其後揚格鬪大創而死師府伯顏不莊舉其長子煜襲職煜與弟燾斫等泣涕誓師趨搗賊巢獲其渠魁并向導者剖肝以祭之朝嘉其父子忠孝命廟祀仲修于邑南并官燾斫云

張惟賢字允德惟大弟虬髯猿臂能挽十石弓叱咤千人自廢後至正間荐授南漳監鎮累勲擢武德將軍晉爵侯食邑萬戶與明兵戰于蘭溪失利被獲初劉誠意基與之善至是劉如械所說之降惟賢曰吾非不知若主長者顧吾兄弟

並開府受國恩最不忍也洎就刑劉與太祖曰
夫爲知己動耳主上掃平六合不宐使天下有
殺義士名太祖領之謫武林戍不食七日死其
九世孫相霖字君璧膽畧過人明崇禎間除寧
都尉會廣西蓮子峒寇作侵寧都諸校憚戰相
霖請部兵先大破之兵備邗逢吉撫軍陸問禮
上其功陞授驃騎將軍叅四鎮陳洪範前部卒
于京

明

盧迴字士恭爲人疎爽不屑曲謹少嗜酒貧甚勿

倦居縣志

卷之十一 忠義

三

能得輒解衣貫飲酣輒白眼罵人皆呼爲狂生
而事親獨以孝聞喜歌詩動數百言多羽音雅
不欲傳洪武間以貢入太學元夕太祖微行聞
書聲若欲泣者扣扉詢曰花市盡往觀迴未意
其爲上也曰客何問家二大人白紛如遙在天
涯安能樂此耶與語久之上悅請且名對復稱
旨授戶部主事累官戶部左侍郎建文四年燕
兵起與郭任主抗禦之策洎京師陷文皇迫奉
詔厲聲曰何不急殺我延頸就刑聞者壯之
迴于本忠以詩豪善作字人或以王右軍方之

叱曰字各有體吾詎臨摹者其狂類如此洪武間貢寧波知府禮聘爲鄞縣訓導奉幾陞蕭縣令燕支將王聰攻蕭恕率衆拒守矢被罄如蟬毛不少撓旬餘城陷聰說之曰先生善矣先生稍屈九列不足言也恕奮然曰縱貴極人臣詎從逆耶遂死之子濂湜謫北平

顧碩字景蕃洪武間由通經儒士授山西石樓知縣擢吏部主事文皇入金陵卽帝位召之不赴逸爲富家牧牛每出牧携一竹筒緘膝甚密暮歸卽枕之臥或問此中何所有珍之乃兩輒攢

德居縣志

卷之十一

忠義

四

着不答善吟嘗作飯牛行有曰掛書不讀項羽傳火牛未用田單策間抵山之椒水之滯四無人地輒慷慨悲歌聲撼林木永樂二十一年聞赦乃闢笥出示冠服之別主人歸詢其詳始知爲碩云

張約字存博邑諸生任俠好擊劍雅以忠義自許嘉靖丙辰倭寇犯境率家人禦于光山之麓斬獲頗衆翌日寇大集家人駭逸去約孤身闖爲賊所執脅導入城罵曰恨不斬汝萬段顧乃作鄉導耶賊剝其舌猶噴血罵不絕口而死譚郡

守綸督師至親詣死所爲文弔之從昆奇稱涇
橋先生者博學善籌兵因逸說諱諱用其策大
敗之遂棄杖而逝

應昌士字君寧號吉生手儀俊偉美髭崇禎庚午
黃石齋道周圭浙試拔中式庚辰以特恩賜進
士授安定知縣癸未冬闕城破潼關遂圍安定
昌士倡兵民登陴效死守越月城陷被執賊不
忍殺希降之昌士奮罵不屈妻周氏與女貞年
十六在旁亦奮罵賊先殺以脅之笑曰各得死
所矣終不屈十一月十九日械至蘭州僞帥親

釋其縛盛供具延之上座酒數行從容勸曰識
時勢者呼俊傑公何膠焉昌士鬚棘也張舉杯
擊僞帥首時漏二下卽席被害僕趙登裹屍還
安定與夫人合墓于東山迄 國朝定鼎士民
追悼具呈陝宋督學使琬批送入名宦祠康熙
壬寅夏安定令烏程張貞侯以憂旋義其千里
死國難携趙登載三骸歸窆于麻姑北麓

附陝西督學使宋批 明之將亡闖賊肆

虐潼關一破秦無堅城長安望風納款將
帥倒戟相迎獨安定應令以斗大孤城登

俾誓守勢既不支身膏白刃巖心大節真
可與日月爭光允宜俎豆以孚明綸

論曰委贄而致身古之法也故濟則君之靈
不濟則以死繼之成敗利鈍可勿問焉宋
之際僊之臣子或擐城于前或駢首于後躡
立孤壘而抗全盛之勢雖張巡許遠何以加
諸若夫脫然林兔力固首陽亦可謂亭心而
上矣至于一介士不爲賊污見危致命死雖
不同其心一也曾鳳韶曰生于文天祥忠義
之鄉後之生手僊者可不勉哉